

Den Ambiente



JAN POETS

Durante un tremendo ambiente carnavalesco..

COLEGIO PASTOOR KRANWINKEL A ELIGI NAN REINANAN Y PRINS Y PANCHONAN



**** Reina chiquito Colegio Pastoor Kranwinkel 1995, ta ser corona pa Sra. Arends di ANDINA ICE, kende sin duda merece un elogio grandi pa su importantísimo cooperación pa e exitoso evento cultural aki!..**

**** Den un palabra FANTASTICO, tabata e tremendo ambiente carnavalesco durante eleccion di Colegio Pastoor Kranwinkel, cual a tuma lugar diamars anochi den Centro Caiquetio, na unda nan a eligi nan Reinanan y Prins cu Panchonan.**

Esaki ta di tres aña consecutivo cu Colegio Pastoor Kranwinkel ta organisa nan estupendo eleccion, den un forma unico y hopi bon coordina.

Como Reina chiquito a ser eligi Melitza Helder, y prome finalista Tania Jo-ann

Croes. Como Reina grandi a resulta den persona di Marilyn Vrolijk, y prome finalista Jurraine Rasmijn.

Tambe Colegio Pastoor Kranwinkel a eligi nan Prins y Panchonan. Den e categoria di chiquito, e duo Miguelangelo Boekhoudt Prins "Sak'e y Richenald Besselink Pancho "Boem Boem" a bay cu e jabie.

Den categoria di grandi, e duo Marvin Vrolijk Prins "Cai" y Elton Kock Pancho "Jora" a resulta como e maximo ganadornan.

E eleccion aki a ser anima musicalmente pa Ken Disco

cu nan magnifico crew di D.J. Ken, Regie y Gregory. Como M.C.nan, a fungi e popularisima Tante Elsa di Radio Galactica F.m. y bosnan sirbidor DEN AMBIENTE.

Durante e fabuloso anochi aki e propio alumnonan di Colegio Pastoor Kranwinkel, a brinda e publico presente un tremendo show di baile ala estilo "Sak'e Boem Boem". Tambe e publico a goza sin fin di e sublime presentacionnan di Queen Analia nos Roadmarch Queen, Derrick Dubero Rey Tumberito 1995, y Edjean Semeleer tambe a los su tremendo Tumba "Dushi E Ta".

Hopi great tabata e animacion musical di Nestea Brass Bandy Thunder Brass Band, kendenan a impone un ambiente total den Centro Caiquetio.

DEN AMBIENTE ta manda un palabra grandi di PABIEN, na e incansabel comision di Colegio Pastoor Kranwinkel cu e dinamico Meneer Andres Rasmijn na timon, pa e super exitoso evento carnavalesco aki, cual sigur ta di aprecia...



**** Marilyn Vrolijk flamante Reina grandi di Colegio Pastoor Kranwinkel 1995..**



**** Esakinan ta e duonan cu a logra di gara e jabie y e corona di Prins y Pancho di Colegio Pastoor Kranwinkel 1995. Aki por aprecia Prins "Cai" y Pancho "Jora" den e categoria di grandi, y Prins "Sak'e" y Pancho "Boem Boem" den e categoria di chiquito...**